



«16» դեկտեմբերի 2021թ

ք.Երևան

Որոշում N 64

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) ղեկավարի տեղակալ Գոհար Դարբինյանս, ուսումնասիրելով.

- 1) Տեսչական մարմնի ղեկավարի 2021թ.-ի սեպտեմբերի 09-ի թիվ 21090128 հանձնարարագիրը,
- 2) 2021 թվականի հոկտեմբերի 27-ի թիվ 21090128 ստուգման ակտը,
- 3) վարչական իրավախախտումների վերաբերյալ 2021 թվականի դեկտեմբերի 07-ի թիվ 1580 արձանագրությունը,
- 4) վարչական իրավախախտումների վերաբերյալ գործի քննությանը մասնակցելու վերաբերյալ 2021 թվականի դեկտեմբերի 07-ի ծանուցումը,
- 5) Պատմագրեր՝ N 4124-ում, N 4016,
- 6) «Մեծահասակի ամբուլատոր բժշկական քարտ»՝ N 7469:

Պարզեցի

ՀՀ առողջապահական և աշխատանքի տեսչական մարմնի բժշկական օգնության և սպասարկման վերահսկողության վարչության գլխավոր տեսուչ Աննա Գրիգորիի Կասպարյանի (ծածկագիր 66-27.2-Մ2-1), Արևմտյան տարածքային կենտրոնի բժշկական օգնության և սպասարկման վերահսկողության բաժնի պետ-տեսուչի ժ/պ Նաիրա Ալբերտի Մերվազյանի (ծածկագիր 66-28.3-Ղ5-2), նույն բաժնի մասնագետ Լուիզա Արարատի Միրզոյանի և ՀՀ առողջապահական և աշխատանքի տեսչական մարմնի բժշկական օգնության և սպասարկման վերահսկողության վարչության մասնագետ Նելլի Արմենի Քրիստափորյանի կողմից ՀՀ առողջապահական և աշխատանքի տեսչական մարմնի ղեկավարի 2021 թվականի սեպտեմբերի 9-ի թիվ 21090128 հանձնարարագրի հիման վրա, ՀՀ ք. Երևան, (գտնվելու վայրը ք. Երևան, Բաղրամյան, 2/22) Էրեբունի Ռոստոմյան փողոց 17/1, Աջափնյակ Դավթաշեն



թաղամաս Փ/Ա հ25 և ք. Մասիս, Արդյունաբերական հանգույց, Գործարանային փողոց 2 հասցեններում գործունեություն իրականացնող «Մեդլայն Կլինիկ» ՍՊ ընկերությունում (այսուհետ՝ Ընկերություն) (պետական գրանցման համարը՝ 264.110.769600, գրանցման ամսաթիվը՝ 30.05.2013թ., ՀՎՀՀ՝ 00124396) Ընկերության տնօրեն Հայկ Ռուբենի Մովսեսյանի մասնակցությամբ 2021 թվականի սեպտեմբերի 22-ից մինչև 2021 թվականի հոկտեմբերի 11-ը իրականացվել է ռիսկի վրա հիմնված թեմատիկ ստուգում (ստուգման ժամանակաշրջանը՝ 30.05.2013թ.-ից մինչև 11.10.2021թ.)՝ ՀՀ կառավարության 2020 թվականի ապրիլի 30-ի թիվ 718-Ն որոշմամբ հաստատված «Մասնագիտացված բժշկական օգնություն Պալիատիվ բժշկական օգնության և սպասարկման վերահսկողություն Q 86.22 (SԳՏԴ)»՝ ստուգաթերթ N 3.1, «Մասնագիտացված բժշկական օգնություն հիվանդանոցային գործունեություն (18-ից բարձր տարիքի անձանց) Բժշկական սպասարկման բնագավառի վերահսկողություն Q 86.10, 86.22 (SԳՏԴ)»՝ N 3.6, «0-ից 18 տարեկան անձանց արտահիվանդանոցային բժշկական օգնության և սպասարկման վերահսկողություն Q86.21, 86.22 (SԳՏԴ)»՝ N3.9, «18 տարեկանից բարձր անձանց արտահիվանդանոցային բժշկական օգնության և սպասարկման վերահսկողություն մեծահասակների և խառը տիպի պոլիկլինիկայում Q86.21, 86.22 (SԳՏԴ)»՝ N3.10, «Մասնագիտացված բժշկական օգնություն և սպասարկում Մանկաբարձագինեկոլոգիական հիվանդանոցային բժշկական օգնություն և սպասարկում Բժշկական սպասարկման բնագավառի վերահսկողություն Q 86.10, 86.22 (SԳՏԴ)»՝ N3.7, «Լաբորատոր-գործիքային ախտորոշիչ հետազոտությունների իրականացման վերահսկողություն Q 86.10, 86.21, 86.90 (SԳՏԴ)»՝ N 3.13, «Արտահիվանդանոցային մանկաբարձագինեկոլոգիական բժշկական օգնության և սպասարկման վերահսկողություն Q 86.21, 86.22 (SԳՏԴ)»՝ N 3.14, «Շտապ և անհետաձգելի բժշկական օգնության և սպասարկման վերահսկողություն Q86.22, 86.90 (SԳՏԴ)»՝ N3.15 ստուգաթերթերով նախատեսված բոլոր հարցերի շրջանակներում:

Իրականացված ստուգման արդյունքում գործում առկա նյութերի ուսումնասիրությամբ պարզվել է, որ ավագ բուժաշխատող Լալա Սարգսյանի կողմից վարվող.

1. Պատմագրեր N 4124-ում, N 4016-ում լրացված չեն «հիվանդասենյակի համարը», «դեղերի նկատմամբ կողմնակի ազդեցություն (հակացուցված դեղեր)» տողերը, որով խախտվել են ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի, հավելված 1-ի, ձև 1-ի պահանջները:

2. քաղաքացիներին տրամադրված ժամանակավոր անաշխատունակության թերթիկների սերիաները լրացված չեն N 4124-ում Պատմագրում՝ լրացված չեն ժամանակավոր անաշխատունակության թերթիկների տրման ամսաթիվը և սերիան, իսկ Պատմագիր N 4016-ում՝ սերիան և համարը (Ստուգաթերթի 153-րդ կետ), որով խախտվել են «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի, ՀՀ առողջապահության նախարարի 2008



թվականի օգոստոսի 7-ի N 14-Ն և աշխատանքի և սոցիալական հարցերի նախարարի 2008 թվականի օգոստոսի 11-ի N 109-Ն համատեղ հրամանի հավելված N 2-ի կետ 8-ի պահանջները:

3. «Մեծահասակի ամբուլատոր բժշկական քարտեր»-ը համապատասխանում են սահմանված ձևին, սակայն լրացվում են թերի՝ չեն լրացվում «Անձնագրային տեղեկություններ» բաժնում Պացիենտի «Ազգանուն, Անուն, Հայրանուն», «Ծննդյան օրը, ամիսը, տարին», «Բնակության վայրը», «Հաշվառման վայր» տողերը, «Ընդհանուր տեղեկություններ» բաժինը, «Առողջության առաջնային պահպանման ծառայություններն իրականացնող բժշկի կողմից առաջնակի բժշկական քննություն» բաժնի ոչ բոլոր տողերն են լրացված (հիմք Քարտ N 7469) (Ստուգաթերթի 9.9-րդ կետ), որով խախտվել են «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի, ՀՀ առողջապահության նախարարի 2007թ նոյեմբերի 26-ի «Մեծահասակի ամբուլատոր բժշկական քարտի, երեխաների բժշկական հսկողության ամբուլատոր քարտերի, նորածնի փոխանակման քարտի և նախաձննդային պատրոնաժի թերթիկի ձևերը հաստատելու մասին». N 1752-Ն հրամանի հավելված 1-ի պահանջները:

4. պացիենտների ամբուլատոր պայմաններում բուժման անհրաժեշտության հետևանքով առաջացած անաշխատունակության դեպքում քարտերում ոչ միշտ է կատարվել լիարժեք գրառումներ՝ N 7469 քարտում՝ նշանակված բուժման, առաջարկված ռեժիմի, հիվանդի հաջորդ հաճախման կամ բժիշկի տնային այցելության ժամկետի մասին, որով խախտվել են «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի, ՀՀ առողջապահության նախարարի 2008 թվականի օգոստոսի 7-ի N 14-Ն և աշխատանքի և սոցիալական հարցերի նախարարի 2008 թվականի օգոստոսի 11-ի N 109-Ն համատեղ հրամանի հավելված 2-ի կետ 5-ի պահանջները:

6. կողմից չի վարվում «Կանանց կոնսուլտացիայի թերապևտի գրառումների գրանցամատյանը» (Ստուգաթերթի 7.15-րդ կետ)՝ խախտելով «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի, 1-ին մասի 6-րդ կետի, ՀՀ առողջապահության նախարարի 2014 թվականի մայիսի 6-ի «Կանանց կոնսուլտացիայում կիրառվող առանձին փաստաթղթերի ձևեր հաստատելու մասին» N 16-Ն հրամանի հավելված N 16-ի պահանջը:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ/ հոդվածը 2021 թվականի դեկտեմբերի 07-ին կազմվել է վարչական իրավախախտումների վերաբերյալ N 1580 արձանագրությունը, որը վարչական իրավախախտումների վերաբերյալ գործի քննության ծանուցագրի հետ միասին առձեռն հանձնվել է Լալա Սարգսյանին:

Տեսչական մարմնում 2021 թվականի դեկտեմբերի 16-ին տեղի է ունեցել վարչական իրավախախտման վերաբերյալ գործի քննություն, որին պատշաճ կարգով ծանուցված Լալա Սարգսյանը չի ներկայացել և չի ներկայացրել միջնորդություն գործի քննությունը հետաձգելու մասին:



2. Պատճառաբանական մաս

Վարչական մարմինը հաստատված է համարում, որ Լալա Սարգսյանի կողմից խախտվել են «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետով, ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի 1-ին հավելված ձև 1-ով, ՀՀ առողջապահության նախարարի 2014 թվականի մայիսի 6-ի «Կանանց կոնսուլտացիայում կիրառվող առանձին փաստաթղթերի ձևեր հաստատելու մասին» N 16-Ն հրամանի հավելված N 16-ով, ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի հավելված 1-ի ձև 1-ով, ՀՀ առողջապահության նախարարի 2008 թվականի օգոստոսի 7-ի N 14-Ն և աշխատանքի և սոցիալական հարցերի նախարարի 2008 թվականի օգոստոսի 11-ի N 109-Ն համատեղ հրամանի հավելված N 2-ի կետ 5-ով և 8-ով, ՀՀ առողջապահության նախարարի 2007թ նոյեմբերի 26-ի «Մեծահասակի ամբուլատոր բժշկական քարտի, երեխաների բժշկական հսկողության ամբուլատոր քարտերի, նորածնի փոխանակման քարտի և նախաձննդային պատրոնաժի թերթիկի ձևերը հաստատելու մասին». N 1752-Ն հրամանի հավելված 1-ով սահմանված պահանջները:

«Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի համաձայն՝ ավագ և միջին բուժաշխատողները պարտավոր են՝ օրենսդրությամբ սահմանված կարգով լրացնել, վարել և շրջանառել բժշկական փաստաթղթերը, այդ թվում՝ էլեկտրոնային առողջապահության համակարգում:

ՀՀ առողջապահության նախարարի 2007թ նոյեմբերի 26-ի «Մեծահասակի ամբուլատոր բժշկական քարտի, երեխաների բժշկական հսկողության ամբուլատոր քարտերի, նորածնի փոխանակման քարտի և նախաձննդային պատրոնաժի թերթիկի ձևերը հաստատելու մասին» N 1752-Ն հրամանի հավելված 1-ով հաստատվել է «Մեծահասակի ամբուլատոր բժշկական քարտ»-ի ձևը:

ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի հավելված 1-ի ձև 1-ով, ՀՀ առողջապահության նախարարի 2008 թվականի օգոստոսի 7-ի N 14-Ն և աշխատանքի և սոցիալական հարցերի նախարարի 2008 թվականի օգոստոսի 11-ի N 109-Ն համատեղ հրամանի հավելված N 2-ի կետ 5-ով և 8-ով սահմանված է. «5. Ամբուլատոր պայմաններում բուժման անհրաժեշտության հետևանքով առաջացած անաշխատունակության դեպքում քաղաքացու դիմելու (անաշխատունակությունը ծագելու) օրը բուժող բժիշկը ամբուլատոր բժշկական քարտում կատարում է համապատասխան գրառումներ ժամանակավոր անաշխատունակության թերթիկի բացման վերաբերյալ, նշում է ժամանակավոր անաշխատունակության թերթիկ տալու օբյեկտիվ տվյալները, ախտորոշումը, նշանակված բուժումը, առաջարկված ռեժիմը,



կոնսուլտացիաների ու լաբորատոր-ախտորոշիչ հետազոտությունների տվյալները, հիվանդի հաջորդ հաճախման կամ բժշկի տնային այցելության ժամկետը:

8. Լրացված ժամանակավոր անաշխատունակության թերթիկի սերիան, համարը ու տրման ամսաթիվը նշվում է ամբուլատոր պայմաններում բուժում ստանալու դեպքում քաղաքացու ամբուլատոր բժշկական քարտում, հիվանդանոցային պայմաններում բուժում ստանալու դեպքում՝ քաղաքացու հիվանդության պատմության մեջ»:

ՀՀ առողջապահության նախարարի 2014 թվականի մայիսի 6-ի «Կանանց կոնսուլտացիայում կիրառվող առանձին փաստաթղթերի ձևեր հաստատելու մասին» N 16-Ն հրամանի հավելված N 16-ով հաստատվել է «Կանանց կոնսուլտացիայի թերապևտի գրառումների գրանցամատյան»-ի ձևը:

ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի 1-ին հավելված ձև 1-ով հաստատվել է «Մեծահասակի հիվանդության պատմագրերը»:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է Լալա Սարգսյանը:

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Լալա Սարգսյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:



Տուգանքի ընդհանուր չափը կազմում է 70.000 (յոթանասուն հազար) ՀՀ դրամ:

3. Սույն որոշումը ծանուցել Լալա Սարգսյանին (ք. Երևան, Լենինգրադյան 2, բն. 26):

4. Սույն վարչական ակտն ուժի մեջ է մտնում մասնակցին իրազեկելու հաջորդող օրվանից:

5. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

6. Իրերի և փաստաթղթերի հարցը լուծվել է:

ՂԵԿԱՎԱՐԻ ՏԵՂԱԿԱԼ՝

 Recoverable Signature

X 

ԳՈՀԱՐ ԴԱՐԲԻՆՅԱՆ

Signed by: DARBINYAN GOHAR 5705820186

ԳՈՀԱՐ ԴԱՐԲԻՆՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունից հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին



ՀՀ ԱՆՈՐԴՋԱԿԱԿԱՆ ԵՎ ԱՇԽԱՏԱՆԵՐԻ
ՏԵՇՉԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlab.am
www.hlab.am
Թեժ գծ՝ 8107